



## **GIZARTE EREMUAN LAN SOZIJETATEAK ETA SOZIJETATE KOOPERATIBOAK SUSTATZEKO ETA ERATZEKO LAGUNTZAK ARAUTZEN DITUZTEN OINARRIAK, LEHIA ASKEAREN BIDEZ**

### **1. oinarria.- Xedea.**

Oinarri hauek gizarte eremuan lan sozietateak eta sozietate kooperatiboak sustatzeko eta eratzeko diru laguntzak arautzen dituzte; laguntza horiek lehia askearen bidez emango dira, urriaren 19ko 11/2016 Foru Arauak, Arabako Lurralde Historikoaren dirulaguntzenak, 20.2 artikuluan xedatzen duenaren arabera.

### **2. oinarria.- Entitate onuradunak.**

2.1. Laguntza hauen onuradun izan daitezke gizarte ekonomiaren arloko entitateak, baldin lan sozietate edo kooperatiba gisa eratzten badira, irabazteko asmorik gabeko entitate izanik (elkarteak, fundazioak, eta abar) gizarte ekonomiako enpresa bihurtu direnak ere bai, gizarte eremukoak badira eta 3. oinarrian zehazten diren jarduerak egiten badituzte.

Entitateak gizarte eremukotzat hartzeko, ezinbestekoa izango da honako bi baldintza hauetatik bat betetzea:

#### a) Entitateko pertsonen ezaugarriak:

Eskaera aurkezten denean entitateko pertsonen erdiak gutxienez kasu hauetako batean egon behar dira:

- 35 urtetik beherakoa.
- Emakumea.
- Baliabide ekonomiko gutxi, lanbidearteko gutxienerako soldata baino gutxiago, hain zuzen ere, sarrera guztiak batuta (salbuetsiak barne):
  - PFEZen aitortpena aurkeztu behar izanez gero, edo nor bere borondatez aurkeztuz gero, eskaera aurkeztu aurretik aurkeztutako azken aitortpeneko zerga oinarri orokorra eta aurrezkiaren zerga oinarria zenbatuko dira, bai eta lanaren errentei aplikatutako hobariak ere.
  - PFEZen aitortpena aurkeztu ez bada, beharrezkoa izan ez delako, eskaera aurkeztu aurretik itxitako azken ekitaldiko lanaren etekinen eta langabezia pentsioen eta sorospenen zenbateko gordina hartuko da kontuan.
- Gizarteratzeko eragozpenak: toxikomano ohiak, kartzelan egondakoak edo tratu txarrak jasandako biktimak (behar bezala egiaztatuta).
- Guraso bakarreko kidea.
- Luzaroan lanik gabe egondakoa; deialdi honetan horrelakotzat hartuko dira enplegu bulegoan enplegu eskatzaile moduan 12 hilabetez gutxienez etengabe izena emanda egon direnak. 90 egunetik beherako lanaldiek ez dute eteten inskripzioa.
- % 33ko desgaitasuna edo handiagoa daukana.
- 45 urtetik gorako langabea.

#### b) Entitatearen jarduerak:



- Laguntza zerbitzuak: osasun, hezkuntza, kultura, kirol, jolas edo aisialdiko jarduerak edo gizarte alderdi argia duten bestelako jarduerak.
- Ingurumen zerbitzuak.

2.2. Gainera, laguntza jasotzeko honako baldintza hauek ere bete behar dituzte entitate onuradunek:

a) Legez erata egon behar dira 2018ko urtarrilaren 1az geroztik eta erregistro egokietan inskribatuta egon behar dira.

b) Lan zentroa (edo zentroak) eta egoitza soziala eta fiskala Arabako Lurralde Historikoan egon behar dira.

c) Eskaera aurkezten denean alta emanda egon behar dira jarduera ekonomikoen gaineko zergan, laguntza eskatzen den jardueraren epigrafean, hain zuzen, eta, beharrezkoa izanez gero, Gizarte Segurantzaren inskribatuta egon behar dira.

d) Egunean egon behar dira zerga betebeharretan eta Gizarte Segurantzarekikoetan.

e) Urriaren 19ko 11/2016 Foru Arauak, Arabako Lurralde Historikoen dirulaguntzenak, 12. artikuluan ezartzen dituen baldintzak eta aplikatu beharreko gainerako arautegian ezartzen direnak: epai irmoak ezarritako kondena baten ondorioz ezin jaso izatea dirulaguntza eta laguntza publikoak, esaterako.

### **3. oinarria.- Dirulaguntza jaso dezaketen jarduerak eta gastuak.**

3.1. Diruz lagundu ahal izango dira onuradun izateko betekizunak betetzen dituzten lan sozietate edo kooperatiba berriak eratzeko eta abiarazteko proiektuak.

3.2. Honako gastu hauek onartuko dira dirulaguntzarako:

- Notario gastuak eta eraketa edo eraldakuntza erregistratzeko gastuak.
- Jarduera burutzeko egin beharreko erregistroen, ziurtapenen eta homologazioen gastuak.
- Sozietatearen hasierako kapitalaren % 50.

Halaber, dirulaguntzarako onartuko dira eraketaren ondoko 12 hiletan egiten diren honako gastu hauek:

- Jarduera egiteko behar diren lokalen errentamenduen gastuak.
- Hasierako merkataritzako informazio, komunikazio eta marketin gastuak.

### **4. oinarria.- Entitate laguntzaileak.**

4.1. Entitate laguntzaile izan daitezke Euskal Autonomia Erkidegoan kooperatibak eta lan sozietateak ordezkatzeko edo sustatzen dituzten entitateak, baldin eta berezko nortasun juridikoa badute eta sozietate egoitza Euskal Autonomia Erkidegoan badute. Horretarako, laguntzaile izatea eskatu behar dute eta beren sozietate xedea hauetako bat izan behar da: kooperatibak sustatzea (kooperatiben eskaerak baino ezin izango dituzte izapidetu) edo lan sozietateak sustatzea (lan sozietateen eskaerak baino ezin izango dituzte kudeatu), hura guztia bost urteko antzinate txikienarekin.

4.2. Erakunde laguntzaileek lankidetzaren hitzarmena izenpetu beharko dute Ekonomia Garapenaren eta Lurralde Oreka Sailarekin, laguntzak ematen dituen organoa denez gero. Hitzarmena gehienez ere lau urterako izango da, eta han arautuko dira baldintzak eta erakunde horiek beren gain hartutako betebeharrak.



4.3. Entitate laguntzaileek deialdi honetan ezartzen diren baldintzak betetzen dituzten lan sozietateak eta kooperatibak eratzeko eta abian jartzeko proiektuekin eta eskaerak kudeatzeko eta izapidetzeko lanekin zuzenean lotutako sustapen ekintzak egingo dituzte (enpresa plana prestatu, sozietatea eratzeko prozesuan lagundu eta enpresa kudeaketaren jarraipena egin eta aholkuak eman, doan), lan sozietateari edo kooperatibari eratzen denetik urtebetean enpresa jarduna mantentzen laguntzeko.

4.4. Entitate laguntzailea izateko eskaerak aurkezteko epealdia **hamar egun baliiodunekoa** izango da deialdi hau ALHAOn argitaratu eta hurrengo egunetik aurrera. Eskaerarekin batera (II. eranskina) honako baldintza hauek betetzen dituela dioen erantzukizunpeko adierazpena aurkeztu beharko dute (III. eranskina): deialdi honetako 5.1 artikuluko baldintzak eta urriaren 19ko 11/2016 Foru Arauak, Arabako Lurralde Historikoaren dirulaguntzenak, 5.1 artikuluan ezartzen dituen baldintzak. Ebazpen proposamena egin aurretik, errekerimendua egingo da hamar egun baliiodun pasatu baino lehen erantzukizunpeko adierazpeneko datuak egiazkoak direla frogatzen duten agiriak aurkezteko.

### **5. oinarria.- Dirulaguntzen zenbatekoak eta mugak.**

Laguntzak lehia askearen prozedurari jarraikiz emango direnez, funtsak eskaerak jaso ahala banatuko dira, eskaerak (ezarritako baldintzak betetzen dituztenak) aurkezten diren hurrenkeran aintzat hartuz, harik eta aurrekontu zuzkidura agortu arte. Lan sozietate edo kooperatiba berri bakoitzak dirulaguntzarako onartutako gastuen guztirako zenbatekoa jasoko du (% 100), baina gehienez 10.000,00 euro proiektuko.

Honako kasu hauetan muga hori handiagoa izango da:

- Lan zentroa 20.000 biztanletik beherako Arabako Lurralde Historikoko udalerrri batean badago, 13.000,00 euro.
- Entitateko pertsonen erdiak gutxienez emakumeak badira, 13.000,00 euro.
- Lan zentroa 20.000 biztanletik beherako Arabako Lurralde Historikoko udalerrri batean badago eta entitateko pertsonen erdiak gutxienez emakumeak badira, 15.000,00 euro.

Proiektuak dirulaguntza jaso ahal izateko ezinbestekoa da dirulaguntzaren zenbatekoa 1.500,00 eurokoa izatea gutxienez.

Aurrekontuan 1.500,00 euro baino gutxiago geratzen direnean baliagarri, laguntza hauetarako ezarritako funtsa agortutzat joko da eta ez da onartuko beste eskaerarik.

Aurrekontuan baliagarri dagoen kopurua ez bada nahikoa entitate eskatzaile bati emateko aurrean azaldutako ehunekoaren eta mugen arabera dagokion dirulaguntza osoa, baliagarri dagoen kopurua adjudikatuko zaio.

### **6. oinarria.- Jardunbidea bideratzeko eskumena duen organoa.**

Prozeduraren instrukzioa Arabako Foru Aldundiko Ekonomia Garapenaren eta Lurralde Oreka Saileko Ekonomia Garapenaren Zerbitzuak egingo du.

### **7. oinarria.- Eskaerak aurkezteko epea eta modua.**

7.1. Erakunde laguntzaile izatea lortu duten erakundeen izena argitaratuko da Arabako Foru Aldundiaren webgunean ([www.araba.eus](http://www.araba.eus)), eta une horretatik aurrera, eskatzaileek haietara jo ahal izango dute eskaerak aurkezteko, eta eskaerak non aurkeztu behar diren zehaztuko da.

7.2. Eskaera orria erakunde laguntzaileetan eskuratu ahal izango da, eta honako agiri hauek aurkeztu beharko dira eskaera orriarekin batera:

- IFZaren fotokopia.



- Sozietatea eratzeko eskritura, beraren estatutuak eta legezko ordezkariaren ahalmenen egiaztagiria.
- Laguntza eskatzen den jardueraren alta jarduera ekonomikoen gaineko zergan.
- Enpresa eta langileen alta Gizarte Segurantzaren edota LAABen, kasuan kasukoan.
- Eskatzaileak zerga betebeharrak eta Gizarte Segurantzarekikoak egunean dauzkala frogatzen duen ziurtagiria.
- Aurreikusitako gastuetatik dirulaguntzarako onartzen direnen laukia, zenbatekoak zehaztuta.
- 3. artikuluan gizarte eremuko entitatetzat jotzeko ezartzen diren baldintzak betetzen direla frogatzen duen dokumentazioa.

7.3. Deialdian adieraziko den epean, erakunde laguntzaileek Arabako Foru Aldundian aurkeztu beharko dituzte agiri hauek, denak agiri emate bakarrean, eskaera espediente bakoitzeko:

- Entitate eskatzaileek aurkeztutako agiriak, 8.5 idatz zatian aipatzen direnak.
- Enpresa plana.
- Sozietatea eratzeko prozesuaren inguruko jarduerari buruzko memoria xehatua.
- Jarraipen eta aholku plana, aplikatuko den metodologia zehazten duena.
- Gastuen fakturak eta ordainagiriak, bere kasuan (jatorrizkoa eta fotokopia)

## **8. oinarria.- Ebazpena eta jakinarazpena.**

8.1. Foru Gobernu Kontseiluak ebazpena emango du erakunde laguntzaileak eskaera espediente bakoitza Foru Aldundian aurkeztu duenetik hiru hilabete pasatu baino lehen, eta urriaren 1eko 39/2015 Legeak, administrazio publikoen administrazio prozedura erkidearenak, ezartzen duenarekin bat etorritik jakinaraziko da. Epealdi horretan ez bada ematen eta jakinarazten berariazko ebazpenik, eskaera ezetsitatzat jo ahal izango da; nolahi ere, Administrazioak berariazko ebazpena eman beharko du.

8.2. Ebazpenak administrazio bidea amaituko du. Urriaren 1eko 39/2015 Legeak, administrazio publikoen administrazio prozedura erkidearenak, 123. artikuluan ezartzen duenaren arabera, ebazpenaren kontra aukerako berraztertze errekurtsoa aurkeztu ahal izango da Foru Gobernu Kontseiluan hura jakinarazi eta hurrengo egunetik hilabete pasatu baino lehen, edo bestela zuzenean aurkaratu ahal izango da administrazioarekiko auzien jurisdikzioan, jurisdikzio eskudunean, jakinarazi eta hurrengo egunetik bi hilabete pasatu baino lehen.

## **9. oinarria.- Dirulaguntzaren justifikazioa eta ordainketa.**

9.1. Eskaeraren aldeko ebazpena eman ondoren, dirulaguntzarako onartutako gastuetatik eskaerarekin batera justifikatutako zenbatekoa ordainduko da. Gainerakoa, emandako laguntzaren guztirako heltzeko falta dena, justifikatu beharreko aurrerakin modura ordainduko da.

9.2. Aldeko ebazpena jakinarazi ondoko hamabi hiletan entitate onuradunek honako agiri hauek eman beharko dizkiete entitate laguntzaileei (jatorrizkoak eta fotokopiak):

- Onartutako gastuen fakturak eta ordainagiriak.
- Gainera, errentamendu gasturik egonez gero, errentamenduaren kontratua.

9.3. Aurreko puntuan azaldutako agiriak jasotzen direnetik hilabete pasatu baino lehen entitate laguntzaileek dirulaguntza aplikatu den jarduerari buruzko azken memoria xehatua aurkeztu beharko



diote Ekonomia Garapenaren Zerbitzuari. Jatorrizkoak eta fotokopiak erkatutakoan jatorrizkoak entitate laguntzaileen bidez itzuliko zaizkie onuradunei.

9.4. Profesionalen fakturen kasuan, entitate onuradunak pertsona fisikoen errentaren gaineko zergaren kontura egin behar diren atxikipenen zenbatekoa ordaindu beharko du. Kasu horretan, justifikatu beharreko ordainketa egin beharra onartuko da, eta Arabako Foru Aldundiaren esku geratuko da ordainketa egiaztatzea eta bidezko justifikazio txostena egitea. Baldin eta dirulaguntza ordaindu ondoren egiaztatzen bada ez dela ordaindu egin beharreko atxikipenen zenbatekoa, aurreratutako kopurua itzultzeko eta hari dagozkion interesak ordaintzeko eskatuko da.

9.5. Fakturen ordainketa justifikatzeko, dagokion banku transferentzia edo merkataritzako trafiko juridikoan pareko froga balioa duen beste agiri bat erabiliko da, baina ordaintzailea, onuraduna, zenbatekoa, ordaintzeko data eta kontzeptua zehaztu beharko ditu.

9.6. Arau orokor gisa, ordainketen frogagiriak jatorrizkoak izan behar dira, edo bestela fotokopia konpultsatuak. Ez da onartuko eskudirutan ordaintzea indarreko araudian ezartzen den zenbatekoa ez hortik gorakoa (edo horren kontrabalioa atzerriko monetetan).

9.7. Eskaera aurkeztu zen lekuan bertan aurkeztu beharko dira aurreko paragrafoetan adierazitako agiriak ere.

9.8. Epealdi horietan ez bada aurkezten eskatutako dokumentazioa, edo aurkeztu beharreko agiriren bat falta bada, dirulaguntza murriztu edo deuseztatuko da, kasuan kasukoa.

9.9. Deialdiko dirulaguntzak jasotzen dituzten entitate onuradunek gastuen justifikazioak aurkeztu ondoren Ekonomia Garapenaren Zerbitzuak behar diren kontrol eta ebaluazio ekintzak egin ahal izango ditu emandako laguntzak aurreikusitako xedeetarako zuzen aplikatu direnez egiaztatzeko. Enpresa onuradunek eskatzen zaien informazio osagarri guztia aurkeztu beharko dute.

## **10. oinarria.- Dirulaguntzen bateragarritasuna.**

10.1. Deialdi honetan arautzen diren dirulaguntzak bateragarriak dira Eusko Jaurlaritzako Gizarte Ekonomiako Zuzendaritzak ekintzailletzarako ematen dituen laguntzekin.

10.2. Aurreko idatz zatian ezartzen dena gorabehera, deialdi honetan arautzen diren dirulaguntzak ezin dira bateratu xede bererako (eta gastu izaera berarekin) beste administrazio edo erakunde publiko batzuek edo entitate pribatuek ematen dituztenekin.

10.3.- Eskaeran adierazi beharko da eskaera egin aurretik beste laguntzaren bat eskatu edo jaso den. Baldin eskaera egin ondoren jaso bada, ahal bezain laster jakinarazi behar zaio, idatziz, Ekonomia Garapenaren Zuzendaritzari.

## **11. oinarria.- Interpretazioa**

Oinarri hauen interpretazioaren inguruan sortzen den edozein zalantza, Aldundi honetako Ekonomia Garapenaren eta Lurralde Oreka Saileko foru diputatuari ahalmena ematen zaio.

## **12. oinarria.- Enpresen deslokalizazioa.**

Enpresen deslokalizazioari dagokionez, urriaren 19ko 11/2016 Foru Aginduak, Arabako Lurralde Historikoaren dirulaguntzenak, 43 – 46 bitarteko artikuluetan xedatzen duena aplikatuko dira.

## **13. oinarria.- Laguntza onartzea.**

Laguntza ematearen jakinarazpena jaso ondoko 15 eguneko epealdian entitate onuradunak ez badio hari berariaz uko egiten, ebazpenean ezarritako baldintzekin onartzen duela ulertuko da.



#### **14. oinarria.- Publikotasuna eta komunikazioa.**

Entitate onuradun batek dirulaguntza aplikatutako jarduketan berri zabaltzeko ekintzarik eginez gero, Arabako Foru Aldundiak emandako finantzaketa aipatu beharko du zabalkunderako erabiltzen diren baliabide eta material guztietan; aipamen horietan kontuan eduki beharko ditu irudi korporatiboaz ematen zaizkion oharrak.

#### **15. oinarria.- Itzulketak**

15.1.- Esleitutako dirulaguntzak itzuli beharko dira urriaren 19ko 11/2016 Foru Arauak, Arabako lurralde historikoko dirulaguntzenak, oinarri hauek eta aplikatzekoa den gainerako araudiak ezarritako kasuetan.

15.2.- Dirulaguntza eta dagozkion berandutze interesak itzultzeko eskatu beharko da baldin eta Arabako Foru Aldundiak jakiten badu onuradun batek beste dirulaguntza bat edo batzuk jaso dituela, emandakoarekin bateraezinak direnak, eta ez diela uko egin behar den bezala.

#### **16. oinarria.- Datu pertsonalen babesa**

16.1. Prozesu honetako datu pertsonalak Arabako Foru Aldundiaren jardueren erregistroko "Enpresentzako dirulaguntzak" fitxategian tratatuko dira. Fitxategi horri buruzko argibide guztiak hemen daude: [ERREGISTRORAKO LOTURA](#)

16.2. Tratamenduaren arduraduna: Arabako Foru Aldundiaren Gobernu Kontseilua.

16.3. Tratamenduaren xedea: oinarri hauen bidez araututako dirulaguntzak eta laguntzak kudeatzeko eta estatistikak eta azterlanak egiteko baina ez dira erabiliko sartutako datu pertsonalak. Zortzi urtez gordeko dira.

16.4. Tratamenduaren legitimazioa: interes publikokoa delako edo tratamenduaren arduradunari emandako botere publikoak gauzatzeko eginkizun bat betetzea. 38/2003 Lege Orokorra, azaroaren 17koa, dirulaguntzena.

16.5. Datuen hartzaileak: herri administrazioak eta Arabako Foru Aldundiaren sailak. Honako hauetan araututako lagapenak: abenduaren 9ko 19/2013 Legea, gardentasunari, informazio publikoa eskuratzeko bideari eta gobernu onari buruzkoa; urriaren 1eko 39/2015 Legea, administrazio publikoen administrazio prozedura erkidearena; eta azaroaren 17ko 38/2003 Lege Orokorra, dirulaguntzena.

16.6. Datuen tratamenduaren gaineko eskubideak: datuen titularrak edozein unetan gauzatu ahal izango du datuetan sartu, haiek zuzendu, deuseztatu, aurka egin eta mugatzeko eskubidea. Horretarako, eskaera egin beharko du, dela bertaratuta dela bidalketa eta jasotzea bermatzea ahalbidetzen duen beste edozein bideren bidez, Arabako Foru Aldundiaren Erregistro Orokorren bulegoetan (Probintzia plaza, z. g., behe, 01001 Gasteiz, Araba). 21.1. Tratamenduaren arduraduna:

Arabako Foru Aldundiaren Gobernu Kontseilua (helbide elektronikoa: [desarrolloeconomico@araba.eus](mailto:desarrolloeconomico@araba.eus); tel.: 945 18 18 18).

Datuen babesaren ordezkaria: Diputatu Nagusiaren Kabinetearen Zuzendaritza (helbide elektronikoa: [dbo-dpd@araba.eus](mailto:dbo-dpd@araba.eus); tel.: 945 18 18 18).

#### **17. oinarria.- Araubide juridikoa.**

Oinarri arautzaile hauen eta deialdi honen araubide juridikoa honako hauetan ezarritakoaren mende dago: urriaren 19ko 11/2016 Foru Araua, Arabako Lurralde Historikoen dirulaguntzena, eta aplikatu beharreko gainerako arautegia.



**LANKIDETZA HITZARMENA, EKONOMIA GARAPENAREN ETA LURRALDE OREKAREN SAILAREN ETA LAN SOZIJETATEAK ETA SOZIJETATE KOOPERATIBOAK SUSTATZEKO ETA ERATZEKO LAGUNTZAK KUDEATUKO DITUZTEN ENTITATEEN ARTEKOA.**

Vitoria-Gasteiz, 2018ko XXXXren XX(a)

**PARTE HARTZEN DUTENAK**

Alde batetik, Maria Pilar Garcia de Salazar Olano andrea, Arabako Foru Aldundiko diputatu nagusiordea eta Ekonomia Garapenaren eta Lurralde Orekaren Saileko foru diputatua.

Bestetik, ..... andrea/jauna, .....  
entitatearen legezko ordezkaria (ahalordea: .....).

Bakoitzak bere entitatearen izenean eta ordezkari izan jardun du. Hitzarmen hau sinatzeko behar den gaitasun juridikoa eta jarduteko gaitasuna aitortu dizkiote elkarri, eta hauxe

**ADIERAZI DUTE:**

1.- Arabako Foru Aldundiko Ekonomia Garapenaren eta Lurralde Orekaren Sailaren egitekoetako bat Lurraldeko jardun ekonomikoa sustatzea da.

2.- Diputatuen Kontseiluaren XXXaren XXX(e)ko XXX/2018 Erabakiaren bidez gizarte eremuan lan sozietateak eta sozietate kooperatiboak sustatzeko eta eratzeko laguntzak arautzen dituzten oinarriak eta laguntza horien deialdia onartzen dira.

3.- Erabaki horren laugarren xedapenean eta deialdiaren bosgarren artikuluan ezartzen da erakunde laguntzaileek jardun dezaketela araudian eta deialdian ezarritako baldintzak betetzen dituzten gizarte eremuko lan sozietateak eta kooperatibak sustatzen, eratzen eta zaintzen.

Horregatik, urriaren 19ko 11/2016 Foru Arauak, Arabako Lurralde Historikoaren dirulaguntzenak, 15. artikuluan xedatzen duenarekin bat etorriz, alderdiek lankidetzaren hitzarmen hau sinatzea hitzartu dute.



## KLAUSULAK

**Lehenengoa.** Hitzarmen honen helburua da Ekonomia Garapenaren eta Lurralde Oreekaren Sailaren eta ..... entitatearen arteko lankidetzarako bidea finkatzea gizarte eremuan lan sozietateak eta sozietate kooperatiboak sustatzen eta eratzen laguntzeko.

**Bigarrena.** Entitate laguntzaileak Diputatuen Kontseiluaren XXX/2018 Erabakian ezartzen diren baldintzak betetzen dituzten lan sozietateak eta kooperatibak eratzeko eta abian jartzeko proiektuekin zuzenean lotutako sustapen ekintzak egingo ditu Ekonomia Garapenaren eta Lurralde Oreekaren Sailaren kontura. Besteak beste, enpresa plana prestatuko du, sozietatea eratzeko prozesuan lagunduko du eta enpresa kudeaketaren jarraipena egingo du eta aholkuak emango dizkio, doan, lan sozietateari edo kooperatibari eratzten denetik urtebetean enpresa jarduna mantentzen laguntzeko. Hori guztia doan izan beharko da erakunde onuradunentzat. Erakunde laguntzaileek arretarako bulego bat, behintzat, izan beharko dute Araban.

**Hirugarrena.** Erakunde laguntzaileek ekintza horiek laster egingo dituzte, betiere eskaerak sartzeko hurrenkera errespetatuta, baldin eta eskaerak osorik beteta badaude. Bete beharreko epealdiak eta baldintzak Diputatuen Kontseiluaren XXX/2018 Erabakian ezartzen dira.

**Laugarrena.** Entitate laguntzaileak konpentsazio ekonomikoa jasoko du onartzen den proiektu bakoitzeko: onartutako dirulaguntzaren herena. Konpentsazioa justifikatu beharreko aurrerakin gisa ordainduko da eskaeraren aldeko ebazpena eman ondoren (2019ko ekitaldian). Aurrerakina justifikatuztat joko da entitate laguntzaileak laguntzen deialdiaren 9. oinarrian ezartzen diren baldintza guztiak betetzen dituenean.

**Bosgarrena.** Entitate laguntzaileak urriaren 19ko 11/2016 Foru Arauak, Arabako Lurralde Historikoaren dirulaguntzenak, 11., 12. eta 14. artikuluetan ezartzen duena bete beharko du.

**Seigarrena.** Alderdiek datu pertsonalen babesaren araudia bete behar dute azken onuradunen datuekin, eta onuradunei datu horiek erabiltzeko behar diren baimen guztiak eskatu behar dizkiete.

**Zazpigarrena.** Hitzarmen hau esleitutako proiektu guztien zaintza amaitu arte egongo da indarrean, gehenez ere lau urterako. Hitzarmen honetako xedapenak alderdien arteko adostasunez alda daitezke, osorik edo zati bat.

**Zortzigarrena.** Hitzarmena suntsiarazi ahal izango da bertan ezarritako klausularen bat betetzen ez bada, bai eta indarreko legerian ezarritako zerbait betetzen ez bada ere.

Adierazitakoarekin ados daudela erakusteko, alderdiek hitzarmen honen bi ale sinatu dituzte goiburuan adierazitako tokian eta egunean, ondorio bakarerrako.